

IDEA PERNIAGAAN

MAMPUKAH KELESTARIAN KEUSAHAWANAN PERNIAGAAN PKS DALAM ERA PANDEMIK COVID-19 DICAPAI?

Tengku Sharifeleani Ratul Maknu Tengku Sulaiman, Zaidatulhusna Mohd Isnani, Norhaniza Md Akhir, Dr. Nurazilah Zainal, Nur Alia Amirnordin, Zarifah Fadilah Ramli dan Hilwana Abd Karim



Keusahawanan lestari adalah suatu pencapaian perniagaan yang dapat mewujudkan penyelesaian pasaran yang lebih berdaya saing dan bertindak sebagai agen perubahan dengan menyedari dan memanfaatkan peluang untuk membangunkan keusahawanan lestari kepada bentuk perniagaan yang seiring dengan trend pasaran. Bagi mencapai peluang tersebut, antara strategi yang terbaik adalah dengan memastikan keuntungan pembangunan mampan, menawarkan keusahawanan lestari kepada penyelesaian berorientasikan pasaran yang mampu mengatasi kemerosotan persekitaran dan membetulkan ketidakadilan dan ketidakseimbangan sosial (Belz & Binder, 2017; Binder, 2017; Farny, 2016). Selain itu, definisi lain juga menyatakan bahawa kelestarian perniagaan merujuk kepada keupayaan usahawan meneruskan aktiviti perniagaan mereka. Ianya disokong dengan pendapat Watson, Horgoth-Scott, dan Wilson (1998) menyatakan bahawa kelestarian dalam perniagaan adalah keupayaan meneruskan transaksi perdagangan.

Strategi Usahawan dalam Menjamin Kelestarian Perniagaan

Perniagaan dalam era pandemik kini memerlukan tiga sifat utama bagi menjamin kemampuan berdaya saing iaitu ketangkasan, kelestarian dan kemampunan serta ketahanan terutamanya dalam keadaan ekonomi yang tidak menentu. Persoalan utama adalah mampukah perniagaan sektor PKS bertahan semasa era pandemik ini? Hampir 62% perusahaan kecil sederhana (PKS) dari sekitar 136 negara terkesan dengan pandemik ini terutamanya apabila pelaksanaan Perintah Kawalan Pergerakan (PKP) dikuatkuasakan bagi mengekang penularan wabak tersebut. Oleh itu, perniagaan-perniagaan yang mengamalkan pelan strategik kelestarian yang kukuh pada asasnya dpt bertahan lebih baik dalam pasaran yang lebih luas serta bertindak merubah model perniagaan mereka mengikut kepada kehendak pasaran semasa terutamanya kepada kearah digitalisasi. Selain itu, bagi menjamin kelestarian keusahawanan juga proses perniagaan perlulah diperluaskan dan ditambahbaik untuk mencapai kecekapan pengeluaran yang besar dan bukan lagi secara optimum terutamanya dalam keadaan persekitaran yang tidak pasti ini. Manfaat jaringan teknologi yang luas membolehkan proses model perniagaan baru dapat dibentuk dengan baik dan memperkukuhkan perniagaan PKS dengan lebih mudah serta berdaya saing seiring dengan kehendak pasaran semasa.



Kelestarian keusahawanan dapat dicapai melalui empat (4) tunggak utama antaranya adalah model perniagaan yang seiring dengan trend kehendak semasa serta memberi nilai tambah kepada masyarakat terutamanya apabila berhadapan dengan situasi genting pandemik Covid-19 ini. Selain itu penjenamaan yang baik dan diterima oleh setiap pelanggan serta mendapat kepercayaan yang tinggi dan trend perniagaan yang terlibat secara langsung atau tidak langsung menerusi aktiviti tanggungjawab sosial terhadap komuniti dan masyarakat sebagai sokongan terhadap inisiatif kerajaan juga sebagai pemangkin untuk membolehkan kelestarian keusahawanan dicapai. Kemampuan PKS terhadap penglibatan mereka di dalam teknologi baru serta berinovasi yang menjadi tunggak terhadap penghasilan produk terbaik dapat memenuhi kehendak pasaran juga mampu memberi peluang pada mereka kekal bersaing dalam pasaran.

Inisiatif Kerajaan dalam Memastikan Kelestarian Perniagaan Akibat Covid-19

Sejak bermulanya penularan wabak Covid-19 pada awal tahun 2020, wabak ini telah memberikan impak besar kepada ekonomi global dunia termasuk Malaysia. Justeru itu, Kerajaan Malaysia telah menyediakan pelbagai bantuan segera untuk meringankan beban rakyat terutamanya mereka yang terkesan teruk dengan pandemik COVID-19. **Pakej Rangsangan Ekonomi Prihatin Rakyat atau PRIHATIN** berjumlah RM250 bilion telah dilancarkan oleh YAB Perdana Menteri pada 27 Mac 2020 yang lalu. Daripada jumlah ini, RM100 bilion diperuntukkan untuk menyokong perniagaan termasuk Perusahaan Kecil dan Sederhana (PKS).

Bagi membantu PKS termasuk usahawan mikro, Kerajaan melalui Bank Negara Malaysia telah menyediakan dana tambahan berjumlah RM4.5 bilion yang merangkumi lima tunjang utama iaitu:

- Menambah dana dalam tabung Bantuan Kemudahan Khas atau Special Relief Facility untuk PKS sebanyak RM3 bilion, menjadikan jumlah keseluruhannya RM5 bilion. Selain itu, kadar faedah bagi keseluruhan dana ini akan dikurangkan daripada 3.75% kepada 3.5%.
- Meningkatkan saiz dana sebanyak RM1 bilion kepada RM6.8 bilion di bawah Kemudahan Semua Sektor Ekonomi bagi meningkatkan lagi akses pembiayaan kepada PKS.
- Menyediakan dana tambahan sebanyak RM500 juta di bawah Skim Kredit Mikro yang menjadikan jumlah keseluruhan RM700 juta bagi pembiayaan mudah. Skim ini akan dikendalikan oleh Bank Simpanan Nasional dengan menawarkan kadar faedah 2% sahaja tanpa cagaran. Syarat kelayakan pinjaman juga dilonggarkan dengan minimum enam bulan operasi berbanding setahun operasi.
- Amaun pembiayaan juga ditingkatkan daripada maksimum RM50,000 kepada RM75,000 bagi setiap usahawan. Inisiatif ini adalah terbuka kepada semua usahawan mikro dalam semua sektor perniagaan termasuk pengusaha taska, operator bas dan teksi, industri kreatif dan peniaga atas talian.
- PKS yang mempunyai rekod perniagaan kurang daripada 4 tahun juga boleh memanfaatkan skim BizMula-i dan BizWanita-i Syarikat Jaminan Kredit Malaysia Berhad (CGC) untuk pembiayaan sehingga RM300,000.
- Syarikat Jaminan Pembiayaan Perniagaan (SJPP) akan menyediakan kemudahan jaminan bernilai RM5 bilion selain meningkatkan kadar jaminan daripada 70% kepada 80% bagi syarikat PKS yang menghadapi masalah mendapatkan pinjaman.





Disamping itu, bagi membantu kira-kira 750 ribu PKS untuk terus berjuang menghadapi kesan wabak pandemik terhadap perniagaan mereka, Kerajaan juga membenarkan penangguhan pembayaran ansuran cukai pendapatan kepada semua PKS untuk tempoh tiga bulan mulai 1 April 2020. Kerajaan juga menyambut baik kesanggupan institusi perbankan untuk menawarkan **penangguhan atau moratorium** bayaran pinjaman selama enam bulan, penukaran baki kad kredit kepada pinjaman berjangka dan penstrukturan semula pinjaman korporat. Langkah ini adalah penting untuk membolehkan syarikat terus berkemampuan dan berdaya saing untuk mengekalkan pekerjaan dan terus berjuang dalam menjalankan aktiviti perniagaan masing-masing. Selain itu, langkah moratorium ini juga dipanjangkan dan dilaksanakan bagi pinjaman dengan TEKUN, MARA dan koperasi serta mana-mana agensi kerajaan yang memberi pinjaman kepada PKS mulai 1 April 2020.

Bank Negara Malaysia (BNM) bersetuju untuk memberikan tempoh lanjutan **moratorium bersasar dan fleksibiliti pembayaran balik** kepada individu dan PKS yang terus terjejas akibat COVID-19. Menjelang tamatnya moratorium secara umum pada 30 September 2020, BNM telah bekerjasama rapat dengan institusi perbankan dalam usaha memastikan bantuan terus diberikan kepada peminjam yang terjejas akibat COVID-19. Institusi perbankan terus bersedia untuk membantu peminjam yang terjejas akibat COVID-19 melalui pelan pembayaran balik berjadual dan pengaturan lain yang bersesuaian dengan keadaan spesifik setiap peminjam.

Inisiatif seterusnya ialah **Geran Khas Prihatin (GKP)**. Ianya merupakan bantuan kewangan secara one-off kepada Perusahaan Kecil & Sederhana (PKS) dan Mikro yang berkelayakan bagi meringankan beban kewangan perniagaan di samping meningkatkan produktiviti pengeluaran dan perkhidmatan mereka. Di bawah Belanjawan 2021 dan pakej PERMAI, GKP Tambahan telah diberikan kepada PKS Mikro di seluruh negara. Pada Mac 2021, GKP 3.0 telah diumumkan di bawah pakej PEMERKASA. Setiap PKS mikro yang layak akan menerima bantuan *one-off* GKP 3.0 sebanyak RM1,000. Selain itu, bayaran tambahan sebanyak RM500 akan disalurkan kepada penerima sedia ada GKP 1.0/ 2.0/ 3.0 pada bulan Julai 2021 di bawah pakej PEMERKASA+.

Rentetan itu, GKP 4.0 telah diumumkan pada Jun 2021 dibawah pakej PEMULIH. Komitmen dan usaha Kerajaan menyokong sektor perniagaan khususnya PKS dan Mikro dapat dilihat apabila Kerajaan bersetuju menyalurkan bantuan kepada lebih 1 juta PKS dan Mikro bagi meringankan beban kewangan mereka dalam mengharungi tempoh yang masih mencabar. Inisiatif ini melibatkan penerima sedia ada GKP 1.0, GKP 2.0, GKP 3.0 dan penerima baharu GKP 4.0, dengan implikasi kewangan sebanyak RM500 juta. Secara keseluruhannya, jumlah peruntukan yang telah dan akan disalurkan kepada lebih 1 juta PKS mikro di bawah GKP semenjak COVID-19 melanda negara adalah RM6.08 bilion. Kerajaan memberi keutamaan kepada pemain industry PKS ini kerana mereka merupakan antara sektor yang paling terjejas sepanjang pandemik COVID-19 dan adalah penting untuk memastikan kelestarian perniagaan mereka terus berdaya saing pada masa ini.

Sebagai tambahan, Kerajaan juga memperkenalkan **Dana Pinjaman Mudah PKS (SME Soft Loans Funds)** yang dikendalikan oleh Bank Negara Malaysia (BNM). Setakat 11 Jun 2021, jumlah permohonan yang telah diluluskan oleh bank-bank tempatan dan disetujui terima oleh PKS adalah RM12.14 bilion yang akan memberi manfaat kepada 25,711 PKS. Jumlah ini termasuk dana *Special Relief Facility* (SRF), *Automation & Digitalisation Facility* (ADF), *All-Economic Sector Facility* (AES) dan *Agrofood Facility* (AF).

PAKEJ PRIHATIN PKS (TAMBAHAN)
10BILION BAGI MEMBANTU PKS

Bantuan sewa seperti pemberian diskaun atau pengecualian bayaran sewa untuk peniaga runcit PKS di premis yang dimiliki oleh syarikat berkaitan Kerajaan sekurang-kurangnya semasa waktu PKP dan **3 bulan** selepas PKP. Pemilik bangunan atau ruang perniagaan yang memberikan pengurangan atau pelepasan sewa kepada penyewa premis perniagaan yang terdiri daripada PKS diberi potongan cukai tambahan bersamaan dengan amaun pengurangan sewa tersebut bagi bulan April 2020 sehingga Jun 2020.

(Nota: Potongan cukai tambahan ini diberikan tertakluk kepada syarat pengurangan sewa hendaklah sekurang-kurangnya 30% daripada kadar sewa asal bagi tempoh tersebut.)

- Menggalakkan rundingan antara majikan dengan pekerja mengenai terma pekerjaan termasuk pilihan pemotongan gaji dan pemberian cuti tanpa gaji dalam tempoh PKP. Majikan dan pekerja boleh rujuk Jabatan Tenaga Kerja untuk khidmat nasihat.
- Moratorium **30 hari** daripada tarikh terakhir PKP secara automatik untuk syarikat.
- Pelanjutan tempoh menyerahkan simpanan penyata kewangan syarikat selama **3 bulan** daripada tarikh terakhir PKP.
- Pengurangan bayaran levi pekerja asing sebanyak **25%** bagi semua syarikat yang permit pekerja tamat antara April hingga Jun 2020 kecuali pembantu rumah.
- Geran Khas PRIHATIN **RM3,000** untuk setiap pengusaha PKS mikro (pengusaha pasar malam, penjaja dll). Jumlah geran **RM2.1 bilion** akan memanfaatkan **700,000** PKS mikro.
- Memansuhkan kadar faedah **2%** kepada **0%** untuk Skim Kredit Mikro berjumlah **RM500 juta** di bawah Bank Simpanan Nasional (BSN).
- Kadar faedah **0%** untuk skim pinjaman mudah kepada syarikat mikro di bawah TEKUN Nasional dengan had maksimum pinjaman **RM10,000**.

(Nota: Pemohon hanya boleh memilih salah satu kemudahan sama ada dari BSN atau TEKUN Nasional.)

Subsidi upah selama **3 bulan** kepada pekerja tempatan bergaji sehingga **RM4,000** sebulan sebanyak:

RM1,200 setiap pekerja bagi perusahaan mempunyai sehingga 75 pekerja	RM800 setiap pekerja bagi syarikat mempunyai sehingga 76 hingga 200 pekerja	RM600 setiap pekerja bagi syarikat mempunyai lebih 200 pekerja
--	---	--

*Tertakluk kepada terma dan syarat

OfficialMEDACMalaysia | officialmedmalaysia | MEDACMalaysia | www.medac.gov.my



Kerajaan juga memperuntukkan sebanyak RM600 juta **Pembiayaan Sektor Pelancongan PENJANA** bagi PKS dan PKS mikro yang masih terkesan dengan penularan COVID-19. Setakat 11 Jun, terdapat 669 permohonan bagi pembiayaan ini, dan daripada jumlah ini sebanyak 331 permohonan telah diluluskan dengan jumlah pembiayaan sebanyak RM65.9 juta. Demi memastikan kelestarian perusahaan PKS, Kerajaan juga memberikan beberapa sokongan kepada PKS seperti:

- **Sokongan Penggunaan Teknikal Dan Digital Bagi PKS Dan Syarikat Di Peringkat Pertengahan (MTC).** Setakat 11 Jun, RM67.7 juta telah disalurkan kepada 13,870 perniagaan dalam bentuk geran dan pinjaman untuk langganan perkhidmatan digitalisasi.
- **Sokongan Bagi Industri Pertanian Dan Makanan.** Pembiayaan bernilai RM400 juta telah diperuntukkan bagi golongan petani, peladang dan nelayan. Di bawah skim ini, RM350 juta merupakan peruntukan di bawah Skim Pembiayaan Mikrokredit Agrobank. Setakat 11 Jun, sebanyak RM161.46 juta telah disalurkan di bawah skim ini bagi memanfaatkan 13,229 PKS Mikro pertanian. Jaminan makanan (*food security*) amatlah dititikberatkan di dalam Pelan Penjana dan juga Belanjawan 2021.
- **Sokongan Bagi Sektor Seni, Budaya Dan Hiburan.** Bagi Inisiatif Pemulihan CENDANA, Kerajaan telah memperuntukkan sebanyak RM10 juta yang dijangka akan memanfaatkan 3,000 penerima daripada kalangan seniman dan organisasi di dalam sektor seni dan budaya Malaysia. Setakat 11 Jun, sebanyak RM3.98 juta telah disalurkan kepada 518 penerima.

Maka dengan bantuan-bantuan dan inisiatif-inisiatif dari kerajaan sepanjang tempoh pandemik ini melanda negara melalui agensi-agensi yang telah dilantik secara langsung dan tidak langsung dapat memberi ruang dan peluang untuk meneruskan kelestarian perniagaan terutama kepada sektor PKS dalam menjana pendapatan serta terus bertahan dan berdaya saing. Pada masa yang sama, kesungguhan dan kecekapan perniagaan PKS dalam meneraju dan membuat analisis perancangan pelan perniagaan secara lebih teratur, efisien dan kos efektif amat dititikberatkan dalam memastikan produktiviti maksimum dapat dicapai.

